



Siamsin Bulletin

VOL XXV ISSUE NO. 3

PUBLISHED BY: PUBLICITY & MEDIA, SSPP JHQ DELHI

MAY 17, 2020

BIBLE CHANG TEEL

Paunaakte 1:7-8

Toupa kihtak theihna kipatna ahi: himahleh mihai in pilna leh hilhna a musit.

Ka tapa, na pa hilhna za in, na nu' dan mangngilh ke'n.

DELHI YOUNG PAITE ASSOCIATION A KIPAN

DYPA COVID-19 HELPLINE

Tu Lockdown sung a suansam thei dinmun leh haksatna tuak i omleh hiai a nuai a Helpline number kipia ah chiklaipeuh in thuzak ni. Relief na dan in mimal khat ah huhna Rs 1000/- tan leng muhtheih ding hi.

DYPA HELPLINE NUMBERS:

DELHI SOUTH AREA:

Juan Khuptong – 9899226337

NORTH DELHI AREA:

Joel P Ngaihte – 9971391243

DELHI WEST AREA:

Thangkhansiam Naulak – 9871337161

DYPA JHQ:

Hau Tunglut – 9953552369

Lamlun Munluah – 9818431467

Jh Ginmung - 8826409975

SSPP Delhi Advisory

COVID-19 hiipi ziak in i omna Delhi khopi tel in leitung pumpi in buaina nasatak i tuak hi. Hiai hiipi lauhaitak leh baihlamtak a kilohsawntheih ahihman in kuapeuh pilvang ki sam hi.

Hiai hiipi in i omna Delhi khopi leng nasatak a hon nawkkhak ziak in hindan ngeina nasatak in nawngkaisak hi. Siamsinna innte (schools & colleges) khak in om a, sumbuk (dawr) khenkhat leng khak in om hi. Tuabang ahihman in, hiai hiipi a pan kivenna leh lockdown sung hun zatdan lam toh kisai a phatuamzaw ding a hihkhakleh chih lametna in theih tuak leh zuihtuak khenkhat taklang ni:

1. Kholak pawt tamlouh phot hoih. Ahitheitan a kivehtuahlouh/kipawttuahlouh phot a, mahni inn a kikhum a sungkuante toh hun zatkhawm ding ahi. Covid-19 toh kisai a hih ding leh zuih ding kigente nguntak a zuih a hoih.
2. Damtheihna kepbit poimoh a, neek-le-dawn a pilvan a taksa sawizoina (mahni inn ah) hih theih dandan a hih a hoih.
3. School leh High School kailaite online tungtawn a class lakpih a homework/assignment leng online tungtawn a piak a om ahihman un nu-le-pate'n/local guardian-te'n etkaipih a zohpih ding in leng i kingen hi.
4. College kailaite'n leng i siamsinna a i sinlaite mah etna hun a zang a, i laizilna toh kisai a hih ding tuamtuam i neihte hihna hun a zang a, ahihtheih liaileh Assignment piak a omte a hun a zoh ding.
5. I siamsinna a i sinlaite kia leng hilou, maban a sepna zonna hiam ahih keileh kalsang zawsem suanna di'a sinna nei utte a ding in leng hiai hun lem tang a mawkmai a zangbei mai lou a, competitive exams/entrance exams a phatuamthei dingte (maths, reasoning, English Grammar leh a dangdang) kisinna hun a zat a hoih.
6. Kuapeuh in TV leh Mobile khawng kia a hun beisak mailou a, sinlai naupangte'n i sinlaite mah etna hun a zang ni. Innkuante kithuahkhawmna hun leh Pathian lam a kisinsakna, Bible simkhawmna leh thumkhawmna hunte a zang ding in i ki hasuan hi.
7. Delhi & NCR a om kha peuh mah in local Gurdian neih teitei ding, bang hiam nopni/dahni a nu-leh-pa' tang a panla thei ding. Social ah heutute YPA, SSPP leh saptuam a Pastor-te contact number leng neih teitei ding ahi.

Delhi khopi a om Siamsinpawlpi member-te (students) hiai lockdown ziak a haksatna (nek-le-tak leh adangdang) tuak i omleh SSPP JHQ Delhi heutute khatpeuh thuzak theih gige ding.

Toupa'n i vek un hon ompih in hon vualzawl chiat henla, damna-hatna i poimoh bangzel un honpe zel hen!

Sd/-

Public Info & Media
SSPP JHQ, DELHI

Natna Khualzin – Coronavirus

Kiheina lam peuh ah Covid-19 thu mah ahi a, ninhuai mahmah ta. Nin thu a veng ding lah hihchi zok khollou zawmah! Wuhan (China) apat hong kipan a kichi a, tu'n gamteng zelsuak; huai bel; kilohsawn baihlam mahmah natna ahi. Thildang ah hilou in, mihing leh mihing tungtawn a kilohsawn ahih ziak in Puaklut ahihke'h Laklut natna leng a chih theih di'a, gendan dang ah, "Natna Khualzin" leng i chi thei.

Khovel pumpi nasatak in a hihbuai vekta. Kikawmtuahna teng khak in a om a; kipunkhawmna leh kithuahkhawmna kichite phal a hikei phot a; kholak mawk pawt leng phal a hikei bok a; huaiziak in mi tamtak nasepna/nekzonna buaisak a, khosakna kichimsia tamtak omsak hi.

Khopi tuamtuum a nekzong tamtakte mahni innlum zuan a kik a omta. Hiai in eilak leng hon hetkha a, innlam pai ding thu khensat tamtak ki-om a, khensat thei nailou leng hunkhop ki-om ding hi. Government panlakna toh tuabang a mahni innlam a kik dingte' pai didan ngaihtuhsak in hong om hi. Social Media tuamtuum ah hiaitoh kisai tamtak kithehzak ta a, huaite gen nawn i sawm kei.

Innlam kik pen chihmohluatna dan a lak khak lauhuai i sa hi. Nekzonna dan/zia khekna dan in lathei leng deihhuai i sa a, khovel paidan ah nekzonna leh khosakna paizia kikhek zel pen ngeina dan ahi. Post-Pandemic World ah leng nekzonna leh khosakdan paizia ah kikhekna om ngei di'n a ginhuai (hiai toh kisai issue nawn a houlim di'n siit phot le).

Tu'a i gennop ahihle, Government in Covid-19 a kipan kiven didan, a diak in khualzin-gamvakte' aa di'a dan a bawlte uh thumangtak a zuih ding i kideihsakna ahi. Natna puaklut/laklut ahihke'h natna khualzin leh kilohsawn baihlam mahmah ahihman in pilvan poimoh mahmah hi. Huaiziak in khualzin tungkikte ni 14 Quarantine Centre a om ngai diing, kichi hi. Hiai huphurh ding a hikei. Mite' hon mullitna/gimneihna dan a lak ding leng ahi samkei. Covid-19 vei (positive) chihna leng a hikei a, va mullit/gimneih diing leng a hikei himhim.

Kithoihna sang in thuman a hoihzaw (1 Samuel 15:22), kichi i theihsa uh lah ahi ngal a. Live and let live!





Students Corner

JNU toh kisai theih tuak:

JNU in May ni 9, 2020 a Academic Calendar thusuah a bawl na ah, June 25-30, 2020 kikal a student-te Campus a lutkik ding in theih sakna bawl hi.

Delhi University toh kisai

DU lam in leng Nov/Dec 2019 Exam result toh kisai re-evaluation bawl theih na ding Notice bawl a, a lunglutte'n May 26, 2020 tan a University vaipawte email ah thuzak theih ding.


duexpress.in/delhi-university-releases-revaluation-notification-find-steps-here-for-revaluation-online

Delhi University in in exam form piaklut(submit) hun ding May 31, 2020 tan a di'n suan gamla nawn; thuchian a kimzaw hiai a nuai a link ah ettheih ding;

www.examportal.duresult.in

EXAM, EXAM!

1. JEE Main Exam July 18,20,21,22 leh 23, 2020 sung a neih ding in thupuan om a, huailou ah JEE Advance Exam a hihleh 23 August, 2020 a neih ding a bikhiah in leng om hi.
2. Huai banah, Medical Entrance Examination NEET a hihleh 26 July, 2020 chiang a neih ding a lem gel a hihthu muanhuaitak a kipan zak ahi.
3. Huchibang kal ah, National Testing Agency(NTA) in Joint CSIR-UGC NET candidate-te' aa ding in certificate tuamtuum- ST/SC/OBC/EWS/PwD ngaihtuah hunsung ding tulai i gam buaina ziak in a hun sausak hi. Banah, hiai Agency nuai a Exam kisai ding tuamtuumte – Indian Council of Agriculture Research(2020), Jawaharlal Nehru University Entrance Examination(JNU EE)-2020, UGC-National Eligibility Test(UGC-NET)-June 2020, leh Join CSIR-National Eligibility Test(CSIR-NET)-June 2020, chih te toh kisai ah leng Exam Form piaklut(submit) hun ding tukha 31 May,2020 tan a di'a suan gamlat in om nawn hi. Hiai toh kisai in csirnet.nta.nic.in, www.nta.ac.in chih te ah thuchian ettheih ding hi.
4. CBSE nuai a pawl 10 leh 12 Exam paille toh kisai in leng hiai a nuai a bang in thuthak om hi;
 - Pawl 10(North East Delhi kia) Exam nisim 1-15 July, 2020 sung a neih ding
 - Pawl 12(India pumpi) Exam nisim 1-15 July, 2020 sung a neih ding, chih ahi.
 - Zingchiang, nisim May 18, 2020 in datesheet kimzaw pawt ding chih thu om a, ngaih ven ni.



Covid-19 Damdawi Hoihpente

1. Tuilum dawntam ding
2. Chii(salt) soh-al a, tuilum a gawl khuahzel ding
3. Hitang piansim a i kitheih ngeingeileh Nebulizer(electric zang a tui suanlumna/steaming) zatpah ding
4. Nek-le-dawn peuhmah a votlam(tuivot/ann-le-meh khing) neklouh/dawnlouh ding
5. Hoihtak a ihmud kham ding. Mihing pangai in nikhat in dakkal 8 sung ihmudna ding hun poimoh a, hiaipen zuihtheih teitei sawm ding

Hiai a tung a thute ahihle Covid-19 vei himahleh damna ana ngah Nu H.Kikim in ama' thiltuah a kipan a panlakdan hon gelhkhiak a hi a, damlou-inn(hospital) a va ki-etsak/ki-etkol sese ngailou a innmun pansan a leng Covid-19 a kipan kikep damtheih a hihdan a gennopna ahi. Nu H. Kikim a hihleh a inkuan un mi 5 Covid-19 Positive ziaak in ni 20 val bang damlou-inn ah va kikem man ua, huai nung in damsang uhi.

Hiai i chihziaak a Covid-19 lauhailou chihna a hi hetkei a, a veikha di'a kimuangmoh/vei na hihlam kitheikhepah na hihleh hiai a tung a point nga kipiata nouneltak in zuilel lechin hiai natna hiipi a kipan damna omthei ahi, chihman ahi. Huai banah, hiai panlak ding dan i gente'n Immune System hatloute(Natna giltak neisa/mi upa lamte) huamkhalou ahi.



Fun Facts

- May 12, 2020 nitak a India Prime Minister in gamsung pumpi a Covid-19 douna di'a zat ding Economic-Package puankhiakna nei a, 20 Lakh Crore bikhiah a om a hihdan gen hi. Hiai pen eipau a gen ding hileng i number simdan un daihlou maimah hi. Huaiziak in a theihnuam pen di'n - Vaibelsia=1 Crore , Se Taktak=10 Crore, Tukle-Dingawn=100 Crore, Awnpuk=1,000 Crore hi a, Thounawn=10,000 Crore, Pukzel=1,00,000 Crore hi a, Thouzel=10,00,000 Crore ahi. Huaiziak in 20,00,000 Crore=Thouzel 2 Vaibesia, chih maimah ngaileh kilawm!
- Khovel in a buaipih Covid-19 ziaak a Delhi a kipan innlam(Manipur) paisawm a kisa mi tamtak om a, huchi mahbang in Lockdown ziaak a innlam a hun-awl(suty) zang a paikhate leng hiallam hong kiksawm in phe tettet veve uh a hihdan muanhuai simsim thutut kigukzak hiauhiau hi.
- Covid-19 chih mahmah leng kham huaipi hita mahleh genbei in omzou nailou a, maban bangtan hon daihlai ding hiam chih genthei om nai tadihlou hi. Huai banah, damtheihna-enkaitute'n(medical staff-te'n) lungsim leh tha-le-zung seng a tawnga man hetlou a pan a laklai un innsung a kikhum thadah gawp mi tampi omta hi a theih ahi.
- Tukum i khovel buai keileh tukha bangleng July kha hita ding a hihdan mi khenkhat in gen uh.
- Tunitan in natna chi nih- "Smallpox" kichi leh "Rinderpest" kichite khovel a om nawnlou di'a hihbei in ana omta, chi uh.
- Gul in zinliing ding a hihdan theihkhoh theihna hoihtak/hattak nei a, zinliing a omdek Chiang in a om hunma ni 5 a baihzaw(advance) in a ommun a kipan ana theikhin daihta a chi uh, na gingta hia?
- Eilam mite'n i ngaisang mahmah uh – Facebook, Instagram leh Twitter chihte China ah kham(prohibit) in om a, huchibang zangte gamsung dan toh kituak a gawtna piak theih chih ahi. Na gingta hia? Ken chu gingta chiahlou.
- Al Qaeda Supremo Osama Bin Laden si ahi chih puakhiak a hih ni 1st May, 2011 hi a, Nazi Makaipa Adolf Hitler si ahi chih puankhiak a hih ni 1st May, 1945 ahi. A kibatna om in na thei hia?



Paite General Knowledge

Siamsinpawlpi a kipuhkhiak a kipan tunitan i heutute(a bik in president-te) zahtakna sangpen pekawm in tutung in a min uleh a sep hunsung uh(term of office) taklatna nei ni;

Siamsinpawlpi General Headquarter, Lamka honna makaih kha hiai a nuai a te a hi uh:

	President	Term
1	Pu Dr. Liankham	1947-1949
2	Pu H. Tualvung	1949-1953
3	Pu H. Vungkhotang	1953-1955
4	Pu S. Thangkhopau	1955-1956
5	Pu H. Thuamzakam	1956-1958
6	Pu T. Goukhenpau	1958-1959
7	Pu H. Jel Shyam	1959-1960
8	Pu H. Thuamson	1960-1961
9	Pu N. Gouzagin	1961-1962 & 1963-1964
10	Pu T. Chinkhotang	1962-1963
11	Pu Ginvum Ngaihte	1964-1965
12	Pu H. Khatkhozam	1965-1966
13	Pu H Nengsong	1966-1967
14	Pu S. Chinzagin	1967-1968
15	Pu Kaizasong Guite	1968-1969
16	Pu G. Vumzathang	1969-1972

	President	Term
17	Pu T. Langzathang	1972-1973
18	Pu Ricky L. Guite	1973-1977
19	Pu T. Awzagen	1977-1979
20	Pu James Guite	1979-1980
21	Pu Lalthanghlun Guite	1981-1985
22	Pu John K. Ngaihte	1985-1988
23	Pu L. Chinkhanlian	1988-1991 & 1991-1994
24	Pu N. Thangkhomang	1994-1997
25	Pi Ms. H. Nemlianching	1997-1998
26	Pu T. Luanhnun i/c	1998-1999
27	Pu N. Thangkhomang	1999-2000
28	Pu T. Hangzamo	2000-2003
29	Pu H. Mangchinkhup	2003-2006
30	Pu Siamnunlian Valte	2007-2012
31	Pu Lianzapau Samte	2012-2018
32	Pu Thanglalmuan Hauzel	2018- till date

Delhi phualpi a tuni tan i Pawlpi deihtoh takmai uh honna makaih kate hiai a nuai ate ahi uh:

	President	Term
1	Pu Khupchinpau Guite	1981-1985
2	Pu Nangthiankham Ngaihte	1985-1986
3	Pu Pumchinkhup	1986-1987
4	Pu Thangluan zamang Guite	1987-1988
5	Pu Lianminthang	1988-1989
6	Pu David B. Lalamang	1989-1990
7	Pu Vungzamuang Valte	1990-1991
8	Pu Jamlianthang	1991(Feb-Aug)
9	Pu G.L. Romuan	1991(Aug-Sep)
10	Pu S. Thangthiankham Ngaihte	1991(Sept)-1992(Sept)
11	Pu Siamzading Valte	1992-1993 & 1994(Nov)-1995(Jul)
12	Pu G. Thangchinlian	1993-1994
13	Pu Kamkhenthang Guite	1995(July-Nov.)
14	Pu S. Thawnthianlal Ngaihte	1995-1996

	President	Term
15	Pu T. Khamkhansuan	1996-1997
16	Pu H. Chinzason	1997-1998
17	Pu Lamkhanpau Tonsing	1998-1999
18	Pu S. Lalengzauva Ngaihte	1999-2000
19	Pu P.H. Laldawnglian	2000-2002
20	Pu Thangzalun Khuptong	2002-2004
21	Pu Nang Za Kai Suante	2004-2006
22	Pi Grace Donnemching	2006-2009
23	Pu Joyful Tonsing	2009-2012
24	Pu Ginthanlian Valte	2012
25	Pu Benzamin Samte	2013-2015
26	Pu Golan Suanzamuang Naulak	2015
27	Pu Khammuanlal Ngaihte	2015-2018
28	Pu Paubiakmuang Guite	2019- till date

SEPNA AH KAISANG

1. Muanhuai tak apan thu kingah dan in pu **Siamno Ngaihte @SiamTK** a sepna DCIO apan in Assistant Director, MHA in nisim April 27, 2020 in ana kaisang hi. All India a mi 5 kaisang lak a amah leng telkha ahi. Amah EBCC Central Delhi a Saptuam Upa ahi a, tulel in Local Secretary dinmun lenlel hi. Maban ah le hong lamzang tou zel leh chih i deihsak mahmah.
2. Pu **Thomas Vungkhanlian Ngaihte** s/o Pu S. Thangkhopau Ngaihte, Lamlian Veng, Bungmual leng a sepna Lok Sabha Secretariat, Parliament House, New Delhi a sem leng nisim May 12, 2020 in Director in ana kaisang hi. Maban ah leng a a sepna a lamzangtak a a hon sep deihsakthu i khak hi.

Na mi tuahkhak peuhmah tung ah migi in, galdouna haksas dou chiat a hihman un.

—Plato

Kei' awlmoh zaw Pathian eilam a a panleh-panlouh hilou in, ei pen Ama' lam a i panleh-panlouh ahi zaw. A ziak bel Pathian dik gige hiven.

—Abraham Lincoln

Thildik hihna ding in hunteng a dik gige.

—Martin Luther King Jr.

I siamsinna ah i lungsim pen i lungtang in a zuihkeileh siamsinna a hikei chihna ahi.

—Aristotle

Khovel a na muhnop kikheknate nang sung ah kikhek masa hen.

—Mahatma Gandhi

Khovel a hauhsakna thupipen tuh tawmchik neikawm a kipahna neih ahi.

—Plato

Zingchiang a si ding bang in hing inla, Tangtawn a hing ding bang in siamsin in

—Mahatma Gandhi

Chiimnuai a sa kibah Geltui a kithuk.

—Paite Thupil

Dek a tuptum zong gaal suakthei.

—Paite Thupil

Editorial Board

Editor:

M. Liankhansiam

Assistant Editor:

L. Kaichinpau

Joint Editors:

Thanglianmang Vualzong

Ginkhansiam Dousel

Consultants:

Siampu Thomte

Minsang Guite

Office:

Siamsinpawlpi JHQ/Delhi

N-258, Sector 8, R.K. Puram,

New Delhi - 110022